



Broj: 01-05-12-86-4/19  
Maglaj, 10.05.2019. godine

Na osnovu člana 70. Zakona o javnim nabavkama Bosne i Hercegovine („Službeni glasnik Bosne i Hercegovine“, broj:39/14) a u vezi sa Zapisnikom o pregledu i ocjeni ponuda broj:01-05-12-86-3/19 od 07.05.2019.godine Komisije za javne nabavke u 2019. godini i Odlukom o pokretanju postupka javne nabavke broj: 01-05-12-86/19 od 25.04.2019. godine, Općina Maglaj, ovlašteno lice ugovornog organa Načelnik općine Maglaj, d o n o s i

## O D L U K U

o izboru najpovoljnijeg ponuđača

### I

Najpovoljnija ponuda za sukcesivne nabavke i isporuke goriva je ponuda ponuđača „ENERGOPETROL“ d.d. Sarajevo čija ukupna cijena iznosi 11.995,77 KM bez PDV-a, odnosno 14.035,05 KM sa uključenim PDV-om

### II

Ponuda je dostavljena u postupku Konkurentski zahtjev za dostavu ponuda nabavka i isporuka goriva, koji je objavljen na portalu Javnih nabavki dana 25.04.2019. godine, pod brojem: 1140-7-1-14-3-18/19.

### III

Odabrani ponuđač je dužan u roku od pet dana od dana zaprimanja obavještenja o rezultatima predmetnog postupka javne nabavke dostaviti dokaze iz tačke 2.6. konkurentskog zahtjeva za dostavu ponuda u svrhu dokazivanja činjenica potvrđenih u izjavi.

### IV

Za realizaciju ove odluke zadužuje se Služba Općinskog načelnika i Općinskog vijeća.

### V

Ova odluka stupa na snagu danom donošenja i u skladu sa članom 71. stav 2. Zakona o javnim nabavkama dostavlja se svim ponuđačima koji su učestvovali u postupku javne nabavke.

### VI

Prema članu 70. stav 6. Zakona o javnim nabavkama ova Odluka objavit će se na web stranici Općine Maglaj [www.maglaj.ba](http://www.maglaj.ba).

## O b r a z l o ž e n j e

Odlukom o pokretanju postupka broj: 01-05-12-86/19 od 25.04.2019. godine pokrenut je postupak javne nabavke za nabavku i isporuku goriva.

Odabaran je konkurentski zahtjev za dostavu ponuda, koji je objavljen na portalu Javnih nabavki dana 25.04.2019. godine. pod brojem: 1140-7-1-14-3-18/19.

Istovremeno na adrese tri dobavljača upućeno je obavještenje o provođenju postupka javne nabavke. Tenderskom dokumentacijom je utvrđeno da je kriterij za dodjelu ugovora najniža cijena.

U ostavljenom roku pristigle su dvije ponude, i to:

1. „ENERGOPETROL“ d.d. Sarajevo
2. „SJAJ PETROL“ d.o.o. Maglaj

Komisija za javne nabavke u 2019. godini, imenovana Odlukom Općinskog načelnika broj: 01-49-424/19 od 20.02.2019. godine, izvršila je javno otvaranje ponuda dana 07.05.2019. godine i o tome sačinila Zapisnik sa otvaranja ponuda, te isti blagovremeno prosljedila ponuđačima.

Komisija je na zatvorenom sastanku dana 07.05.2019. godine izvršila pregled i ispitivanje sadržaja pristiglih ponuda s obzirom na iskazane zahtjeve ugovornog organa u tenderskoj dokumentaciji (konkurentski zahtjev) i utvrdila da je ponuda ponuđača „ENERGOPETROL“ d.d. Sarajevo formalno-pravno ispravna, zadovoljavajuća i prihvatljiva, a da ponuda ponuđača „SJAJ PETROL“ d.o.o. Maglaj ne ispunjava zahtjeve ugovornog organa utvrđene tenderskom dokumentacijom, obzirom da ovaj ponuđač nije u skladu sa tačkom 9.3., a koja se odnosi na primjenu preferencijalnog tretmana domaćeg, kao dokaz dostavio Potvrdu Vanjskotrgovinske komore BiH izdatu na ime tog ponuđača sa naznakom predmeta nabavke i nazivom ugovornog organa koji provodi postupak javne nabavke (Općina Maglaj tender br. 1140-7-1-14-3-18/19 od 25.04.2019. godine).

Komisija je Zapisnikom o pregledu i ocjeni ponuda broj 01-05-12-86-3/19 od 07.05.2019. godine preporučila Ugovornom organu da u predmetu nabavke i isporuke goriva donese odluku o odabiru najpovoljnijeg ponuđača, te da kao najbolje ocijenjenu prihvatljivu ponudu za predmet nabavke prihvati ponudu ponuđača „ENERGOPETROL“ d.d. Sarajevo i da se istim zaključi odgovarajući ugovor.

Na osnovu izloženog a primjenom člana 64. stav 1. tačka b) Zakona o javnim nabavkama („Službeni glasnik BiH“, broj: 39/14), odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi Bosne i Hercegovine, putem Ugovornog organa: Općina Maglaj, u roku od 5 dana od dana prijema iste. Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu. Žalba se podnosi neposredno Ugovornom organu u pisanoj formi, direktno ili putem preporučene poštanske pošiljke.

Dostavljeno:

1. Ponuđači x2
2. Komisija za javnu nabavku
3. Načelnik općine
4. U spis
5. Arhiva

